

## JARÐRÆKTARSAMÞYKKT

fyrir Búnaðarfélag Saurbæjar- og Hrafnagilshreppa.

74

24. febr.

### I. KAFLI

Takmörk ræktunarfélagsins og markmið.

#### 1. gr.

Búnaðarfélag Saurbæjarhrepps og Búnaðarfélag Hrafnagilshrepps stofna með sér ræktunarfélag, er nefnist Ræktunarfélag Saurbæjar- og Hrafnagilshreppa. Félagssvæðið er Saurbæjarhreppur og Hrafnagilshreppur í Eyjafirði.

#### 2. gr.

Tilgangur samþykktarinnar er að annast eftirgreind verkefni á félagssvæðinu:

1. Að ræsa fram land, sem nytja á sem tún, garða, engi eða bithaga;
2. að vinna land, er nytja á sem tún eða garða. Nær það til plægingar, herfingar og jöfnunar landsins;
3. að slétta engi svo að það verði véltækt;
4. að undirbyggja og ryðja vegi, grafa húsgrunna, svo og að vinna önnur nauðsynleg störf, er miða að hagkvæmum búrekstri. Framkvæmdum skal á hverjum tíma haga eins og fyrir verður mælt eða samþykkt af trúnaðarmanni, er Búnaðarfélag Íslands samþykkir til að hafa á hendi undirbúning og umsjón með framkvæmd verksins.

### II. KAFLI

Skipun og verksvið stjórnar.

#### 3. gr.

Stjórn félagsins skal skipuð fimm mönnum, kjörnum þannig, að hvort búnaðarfélag kýs 2 menn til tveggja ára og gengur sinn maður úr hvort ár, fyrst eftir blutkesti. Fimmti maður í stjórninni skal kosinn á aðalfundi ræktunarfélagsins til tveggja ára og er hann oddamaður. Stjórnin skiptir að öðru leyti með sér verkum. Stjórnarnefndarmenn má endurkjósa. Varastjórn skal skipuð jafnmörgum mönnum, kosnum á sama hátt til jafnlangs tíma.

#### 4. gr.

Stjórn félagsins annast kaup á nauðsynlegum vélum og verkfærum til skurða- og lokræsagerðar, svo og jarðvinnsluvélum. En skylt er henni, sbr. 8. gr. laga um jarðræktar- og húsagerðarsamþykkið í sveitum, að hafa samráð við verkfæranefnd ríkisins um kaup og val vélanna. Stjórnin sér um kaup á öllu því, er þarf til reksturs og viðhalds þeim vélum, er keyptar verða. Henni ber að hafa vélar og verkfæri tryggð fyrir fjárhæð, er svarar til verðgildis þessara eigna, eins og þær eru á hverjum tíma.

#### 5. gr.

Stjórnin annast allan rekstur vélanna, og ákveður á hverjum tíma og í hverri röð verkefni eru tekin, sem unnið skal að.

#### 6. gr.

Stjórnin ræður starfsmenn og ákveður launakjör þeirra. Heimilt er stjórninni að ráða framkvæmdastjóra til eins árs í senn, getur hún falið honum framkvæmdastjórn um daglegan rekstur.

74

24. febr.

Allir samningar, er stjórnin gerir fyrir hönd ræktunarfélagsins samkvæmt samþykktum þessum, eru skuldbindandi fyrir félagsheildina og hreppabúnaðarfélögin, er að samþykkt standa, án þess það hafi verið sérstaklega undir þau borið. Stjórn og framkvæmdastjóri bera ábyrgð gerða sinna fyrir umbjóðendum sína.

8. gr.

Stjórnin heldur aðalfund fyrir febrúarlok ár hvert, sameiginlegan fyrir allt félagssvæðið. Skulu endurskoðaðir reikningar næstliðins árs lagðir þar fram til samþykktar. Þar gefur stjórnin skýrslu um starfsemina, svo og endurskoðendur, ef tilefni gefst. Þar skulu einnig rædd önnur þau mál, er félagsskapinn verða. Lög- mætur er aðalfundur, sé til hans boðað með nægilegum fyrirvara og að minnst helmingur félagsmanna mæti. Farist fundur fyrir vegna ónógrar fundarsóknar skal til hans boðað á ný og er hann þá lögmetur, ef minnst  $\frac{1}{4}$  félagsmanna mætir.

### III. KAFLI

#### Um tilhögun framkvæmda.

9. gr.

Skyllt er stjórnnum hreppabúnaðarfélaganna, hvorri á sínu svæði, fyrir janúar- lok ár hvert að skrá verkbeiðnir félagsmanna. Skal þar tilgreint hverjar jarð- bætur óskað er að unnar séu á því ári, svo og verkmagn þeirra. Skýrslum þessum ber að skila til félagsstjórnar fyrir aðalfund ár hvert.

10. gr.

Að fengnum þeim skýrslum, er um ræðir í 9. gr., ber stjórn félagsins að semja starfs- og rekstraráætlun fyrir yfirstandandi ár. Rísi ágreiningur um veigamikil atriði framkvæmdaáætlunar ber að leggja hana fyrir aðalfund til samþykktar. Framkvæmdastjórn er skyllt að framfylgja samþykkttri starfsáætlun eftir því, sem við verður komið.

11. gr.

Við undirbúning framkvæmdaáætlunar sé þess sérstaklega gætt:

1. Að þær jarðir, sem minnst véltækt land hafa, sitji fyrir vinnu, eftir því sem við verður komið, án þess að valda óhæfilegum kostnaði í flutningi véla og verkfæra;
2. að túnasléttun sé að öðru jöfnu látin sitja fyrir öðrum ræktunarframkvæmd- um;
3. að land það, sem brjóta á til ræktunar, hafi verið ræst fram á fullnægjandi hátt, að dómi trúnaðarmanns Búnaðarfélags Íslands;
4. að framræsla bithaga komi að jafnaði því aðeins til greina, að fullnægt hafi verið framræsluverkefnum vegna tún-, garð- og engjaræktar á þann hátt, að það tefji eigi jarðvinnsluna, svo að því marki verði náð, að allur heyskapur verði tekinn á velfæru landi.

### IV. KAFLI

#### Um verkákvarðanir og greiðslu kostnaðar.

12. gr.

Kostnaður við framkvæmdir, er í samþykkt þessari getur, greiðist af verk- kaupanda. Heimilt er stjórn félagsins að láta greiðslur fara fram eftir áætluðum verktöxtum meðan verkið stendur yfir ár hvert, en fullnaðargreiðsla sé byggð á

tilkostnaðarverði, eins og það verður samkvæmt rekstursreikningi hvers ár. Áætl- 74  
aðir verktaxtar séu miðaðir við tímaeiningu. 24. febr.

## 13. gr.

Til reksturskostnaðar telst greiðsla vinnulauna, allur reksturskostnaður véla og greiðslur fyrningargjalds af þeim, kostnaður við flutninga þeirra milli vinnustaða, viðhald véla, er stafar af eðlilegu sliti þirra, geymslu vélanna, vaxtagreiðslur, kostnaður við verkstjórn og stjórnarkostnaður. Heimilt er félagsstjórn að leggja á framkvæmdakostnað áhættuþóknun, er nemi allt að 5% af heildarrekrarkostnaði, er verja skal samkvæmt ákvæðum 16. gr.

## 14. gr.

Heimilt er félagsstjórn að taka sér verkefni fyrir búendur, hreppsfélög eða aðra aðila, þó þau falli ekki undir ákvæði 2. gr., ef sýnt þykir, að það sé hagkvæmt fyrir félagið, enda sé tryggt, að vélakostur sé ekki festur við þessi störf, svo að það brjóti í bága við hagsmuni samþykktaraðila.

## 15. gr.

Greiðsla fyrir vélavinnu fellur í gjalddaga jafnóðum og unnið er, eftir áætluðum vinnutaxta og sér stjórnin um innheimtu fjárins. Mismunur áætlaðs verðs og raunverulegs að loknum reikningsskilum jafnast eftir að þeim er lokið. Hvort bún- aðarfélag um sig ber ábyrgð á greiðslum fyrir félagsmenn sína.

## 16. gr.

Rekstursafgangur, er myndast af álagðri áhættuþóknun, ágóða af ákvæðis- vinnu eða þeim verkum, er um getur í 14. gr., skal leggjast í stofnsjóð ræktunar- félagsins og varið samkvæmt ákvæðum þeim, er um hann gilda, sbr. 17. gr.

## V. KAFLI

## Fjáröflun og tryggingar.

## 17. gr.

Félagið myndar stofnsjóð til vélakaupa, að upphæð 150 þús. kr.

Stofnfjár skal aflað þannig:

1. Helmingur stofnfjárins er framlag framkvæmdasjóðs ríkisins, samkvæmt ákvæðum 9. gr. laga um jarðræktar- og húsagerðarsamþykktir í sveitum. Rennur það í stofnsjóð jafnóðum og styrkur er greiddur til vélakaupa félagsins.
2. Hinn hluti stofnfjárins skal lagður fram af hreppabúnaðarfélögum þeim, er að samþykkt þessari standa, í þeim hlutföllum, er fyrir er mælt í 18. gr., auk þess, sem inn kemur samkvæmt ákvæðum 16. gr.

## 18. gr.

Stofnfjárframlag hreppabúnaðarfélaganna greiðist inn til félagsstjórnar, þá er samþykkt þessi hefur öðlazzt gildi. Framlag hvors hreppabúnaðarfélags skal greitt í hlutföllum við fasteignamat lands, og er óafturkræft.

## VI. KAFLI

## Um reikningshald og endurskoðun.

## 19. gr.

Reikningsár félagsins er almanaksár og skal reikningsskilum lokið svo tímanlega, að endurskoðun geti farið fram áður en aðalfundur félagsins er haldinn.

74

24. febr.

20. gr.

Endurskoðendur séu tveir, kjörnir sinn af hvoru búnaðarfélagi til eins árs í senn. Þeir skulu kynna sér reksturinn sem bezt, og hafa eftirlit með starfrækslu stjórnarinnar í hvívetna. Varaendurskoðendur skal kjósa á sama hátt.

## VII. KAFLI

Um breyting samþykktá og hvernig samþykkt verði úr gildi felld.

21. gr.

Tillögur, er fram kunna að koma til breytinga á samþykkt þessari, skulu lagðar fyrir aðalfund. Samþykki aðalfundur breytingarnar með að minnsta kosti  $\frac{3}{5}$  atkvæðisbærra fulltrúa, skal stjórn félagsins senda breytingarnar Búnaðarfélagi Íslands, er leitar staðfestingar landbúnaðarráðherra á þeim.

22. gr.

Samþykktir þessar má því aðeins nema úr gildi, að aðalfundur félagsins samþykki það með  $\frac{3}{4}$  greiddra atkvæða, enda komi samþykki landbúnaðarráðherra til.

23. gr.

Nú verður félagið leyst upp og skal þá öllum eignum þess skipt á milli Búnaðarfélaga Saurbæjar- og Hrafnagilshreppa í sömu hlutföllum og félagin greiddu stofnfjárframlagið í upphafi.

24. gr.

Með brot á samþykkt þessari skal farið sem almenn lögreglumál.

25. gr.

Samþykkt þessi gengur í gildi, er hún hefur verið staðfest af landbúnaðarráðherra.

Samþykkt þessi, sem er sett samkvæmt lögum nr. 7 12. janúar 1945, um jarðræktar- og húsagerðarsamþykktir í sveitum, og reglugerð um jarðræktarsamþykktir frá 20. febrúar 1946, staðfestist hér með til að öðlast gildi þegar í stað og birtist til eftirbreytni öllum þeim, er hlut eiga að máli.

*Landbúnaðarráðuneytið, 24. febrúar 1947.*

**Bjarni Ásgeirsson.**

*Árni G. Eylands.*

75

24. febr.

## JARÐRÆKTARSAMÞYKKT

fyrir Ræktunarsamband Landeyja.

Búnaðarfélagin í Austur- og Vestur-Landeyjum í Rangárvallasýslu gera á grundvelli laga nr. 7 12. jan. 1945 svo fellda ræktunarsamþykkt:

## I. KAFLI

Takmark samþykktar og markmið.

1. gr.

Samþykktarsvæðið nær yfir eftirgreind hreppabúnaðarfélag: Búnaðarfélag Austur-Landeyja og Búnaðarfélag Vestur-Landeyja. Félagið nefnist: Ræktunarsamband Landeyja.